



UNIVERSITÄTS-
BIBLIOTHEK
PADERBORN

Provincia Sicilia.

[urn:nbn:de:hbz:466:1-67132](#)

XVII. LIBRARY
PROVINCIA
SICILIA.



SVNT in Sicilia Prouincia de no-
stris tredecim circiter ac trecenti.
In Professorum Domo Panormita-
na quatuor & quadraginta. Vno
plus in Collegio . Duo de octoginta
Messanae. Drepani, Biuonaq. utro-
biq. septemdecim . Vnus & viginti Catane. Duo
de viginti Syracusis . Calataierona viginti. Regi
quindecim. Tredecim In Collegio Montis regalis. In
Probationis Domo septem circiter & viginti. Ex-
cesserunt e vita quinque. Aggregati sunt quindecim.

DOMVS PROFESSA
Panormitana.

EA est in Professorum aede Panormitanarum
quentatio sacramentorum, ut si superiores an-
nos cu proximis conferamus, maiores quotidie gra-
tiae habendae sint Deo , qui nostros labores tam
frugiferos reddit. Sumunt Domini corpus diebus do-
minicis octingenti:ceteris, qui præcipuam quandam
religionem continent, tria millia . Vno Iubilei die
sumpserunt circiter quinque millia: & quamquam
eo die

eo die prima luce patefactum est templum, intermisseq. propter communicantium multitudinem concio; tamen ad duas post meridiem horas dispensatio Christi corporis tenuit. Quorum mysteriorum utilitas in animorum commutatione perspicitur. de pulsis sunt enim furta & latrocinia, & odia, multaq. pericula animorum. nam & qui signatum tenebant argentum, forcices cum argento quod sibi conservarent, reddiderunt: Et insignis latro, qui exsulum dux erat, quiq. præter alias maculas in vita suscep-
tas, plurima se cæde polluerat (centum enim cædibus interfuerat) superioris detestatione vita, usi-
tataq. peccatorum expiatione resipuit. & nobiles
viri feminæq., qui mutuis irritati odijs in mutuam
conspirauerant cædem atque perniciem, missas iras
fecerunt. Multi etiam delectas ad libidinem femi-
nas, ex quibus liberos iam sustulerant, expulerunt.
Nonnulli à nefarijs se coniugij, quæ ut castis par-
camus auribus, verecundo silentio libet inuoluere,
quam libera in oratione ponere, disiunixerunt. Nec
satis fuit virtujs tantum & male factis homines de-
terrere, nisi etiam ad virtutem & benefacta uocar-
rentur: complures enim ex ijs, qui suam nobis salu-
tem animasq. committunt, tam uiri, quam feminæ,
ex maxima libertate & commodorum affluentia,
in cœnobiorum custodiam sua sponte se incluserunt.
in quibus sorores hoc anno duæ, priusquam in cœ-
nobium uirginum se coniijcerent, nostre memores di-
scipline, ueste in usus templi plurimi pretij, multaq.
pecuniam in edificationem domesticam contulerūt.

E 2 sed

Sed horum ciuium liberalitas maior est, quam vt
singula colligenda sint argumenta. Tria Scutato-
ru.n millia summa benignitatis attingit; vt iam ne-
que ad rem sacram, neque ad domesticam quicquam
desideretur. Atque hæc præcipua in Panormita-
na domo sunt acta: nam quæ apud finitos populos
perfecta sunt, ea fere nihil discrepant ab urbanis.
Sed vnum quod proximis litteris præteritum est,
non ab re fuerit hisce litteris indicare. Venerus Pro-
vincialis quibusdam nautis cranium quoddam e San-
ctis Innocentibus cum alijs pijs quibusdam rebus
ad nos dederat. Illi quantum thesaurum secum adue-
berent, sentientes, partiuntur quæ credita erant, in-
ter se se, craniumq. gubernatori sors obtulit. qui
cum Siciliam incolumis tenuisset, expositiq. merci-
bus aliam esset nauigationem ingressus, subito mor-
bo corripitur. verum cum dies aliquot nauigasset,
nec portum ullum tenere posset, denique vi tempe-
statis abreptus, Milacum Siciliae portum venit. hic
excensione e naui facta. adhuc ægrotus cœnobitam
quendam confessionis causa conuenit, talusq. reli-
gione surrepti Cranij, cranium ipsum quod ad nos
mitteret, ei dat. ita perditam valetudinem renova-
uit; vt intelligeret, non prius potuisse corpus morbo,
quam religione animum liberari. Cœnobita vero cu-
vel obliuione, vel incuria fortasse quapiam depositum
non redderet, ipse quoque tentari caput est
morbo: & quamdiu sacras illas reliquias apud se ba-
huit, habuit auten annum circiter & dimidium,
quamdiu sine suo vultu sine colore fuit, dum ad ex-
tremum

tremum exemplo gubernatoris admonitus detulit, quæ tenebat.

IN Collegio Panormitano meliore loco sunt litteræ. auctum est gynnasium tum auditorum numero, tum magistro, qui doceat ea quæ ad officium & conscientiam pertinent. Discipuli præsertim, qui Dei Matris sodalitatibus continentur, non minus in pietate quam doctrina proficiunt. Ex his tres suam in Societatem adolescentiam Deo Optimo Maximo consecrarunt, plurimi sq. mens eadem est. Nostri dum in litterarum studio versantur, & si non possunt illi quidem ut vellent, servire commodis animorum, tamen si quando eius rei se dedit occasio, eam perlibenter arripunt. Iuris doctor ad execendum diuinis commentationibus animum more Societatis inductus, partim beneficio tam salutis exercitationis, partim pijs nostrorum collocutionibus ita profecit, ut non prius à nostris abire vellet, quam ad Novitiorum disciplinam dimitteretur. Nonnulli etiam, qui vlciscendi cupiditate flagrabant, nostris suasoribus, arma cum odys deposuerunt. Exposita sunt etiam in urbanis Parœciis, pueris ac multitudini elementa Christianæ legis, non minore utilitate discentium, quam magistrorum labore.

MESSANENSE COLLEGIVM.

PLACVIT diuinæ sapientiæ, fortuito incendio, partim nostrorum in hac vrbe explorare
E 3 virtu-

virtutem, partim præteritam remunerari pietatem: ut qui proximo anno externum extinxissent incendium, domesticum hoc anno ac proprium externorum ope auxilioq. restinguerent. Sed ut à principio tota res repetatur, decimo Kal. Aprilis quarta circiter noctis hora, nescio quo casu excitatum est in æde vetere, unde in nouā biennio ante migramus, peracerbum incendium. erat in eo templo tanta lignorum strues, quanta ne in reliquo quidem Collegio vniuerso. quare ut natus ignis erupit, collectis subito viribus adeo lōge lateq. vagari cœpi; ut alia præter domestica requireret auxilia. Nostri igitur incendijs viribus impares, dum accersunt externa, sentit hoc Arx ciuitatis: quæ cum in editissimo sita sit loco, flamarum magnitudine territa, quas extolli ad cœlum usque prospexerat, noto ciuibus Capana signos, ad ferendam Collegio opem vniuersos exsuscitat. Ut Collegium ardere cognitum est, is subito concursus hominum fuit è summis, medijs, insmis, ut testari suam in nos benevolentiam illustriore significacione non possent. laborabat pro se quisq. oblitus quodammodo sui, ut singula in momenta crescent malum aliqua ratione comprimeret. alij aquarum plena vase conuehere, alij scalas parietibus admouere, alij obvia quæque aduocare subsidia. Feminas quoque sua pietas ad ferendam opem è suis dominibus expulit. Quin ipse quoque regni Preses quamvis valetudinarius & imbecillus ad Collegium usque contendit, populum inflammans ad opem. Sed in auxilio ferendo primas tulit Generalis Praefectus Sicule

Sicula classis, vir omni humanitate resertus. qui cū alijs equitibus, & mancipiorum multitudine, quam ex classe deduxerat, perspicuis periculis se obiecit. Nec vero obscura sive charitatis argumenta dederunt Dominicanæ, Augustinianæq. familiae Patres, qui subito experrecti ad propulsandum periculum conuolarunt. Ac Dominicani quidē tanti casus comiseratione cōmoti, ne nostri eo die præparata alimenta requireret; opiparū suis ipsi in adibüs conuiuinū appararunt. Quod etsi nostri plus rei domesticæ damno, quā cibi cura solliciti recusarūt; intellexerūt tamen, id quod sēpē iam erat experti, quanta sit eorum Patrum in Societatem charitas & humanitas. Tenuit incendiū septem circiter horas, tanta igniū licentia, ut conflagrare videretur urbs tota: atque ea quidem forsitan conflagrasset, nisi iactis agnis & cera consecrata, uis venti, quæ initio vehementior extiterat, subito conquiesset. Ac nobiscum quidem nisi in tempore Dei bonitas occurisset, actum esset multo deterius; quibus ignis præter eadem veterem, ubi instrumentum omne Sodalitatis absumpsit, totum cœnaculum inflammauit. Illustre diuinæ prouidentiæ documentum existimatum est, multos, cum in medias flamas & in aperta pericula cecidissent, intactos tamen ab igne atque intolumes evasisse. Postridie quanquam incendiij casus universa turbarat, nostriq. in restituenda partim sacra, partim domestica supellecili, quam flammarum voragini in præsentia subtraxerant, roti erant; tamen nec sacramentorum administratio

E 4 id

id quod admirata magnopere ciuitas est, nec matu-
tina pomeridianae concio prætermissa est. Ergo
tanto ardentius studuit ciuitas leuare incommoda
recentis incendijs, & alij alia ad Collegium mittere,
toralia, mantilia, cibaria, quæq. ad reliquam supel-
lectilem aut victimum pertinent vniuersa: ut cum
multorum studia in restinguendis ignibus perspe-
xisset, paria officia in resarcientis acceptis incommo-
dis nō requireres. Iam diuina sapientia, que ex ipsis
malis aliquid boni semper excerpit, ex tanto incom-
modo hoc cepit in animis commodi. Ciues primarij
duo cum mutuas iras inter se gererent, neque viro-
rum grauium auctoritate ac contentione reuenire in
gratiam posse(compositionem enim gratie ad hoc
tempus reseruauerat Deus) ubi è nostris tectis va-
stus atque horribilis ignis illuxit, inimicitias oblitii
priuatas, ad depellendum non tam nostrum, quam
commune periculum tanto studio concordiaq. con-
spirarunt, ac si nullæ vñquam inter eos ira interue-
nissent. ab his igitur initijs conglutinata denuo ej-
amicitia; & euulsa ex omni memoria odiorum acer-
bitas. Alius cum tertium iam annum ad ini-
mici vltionem acerbis odijs incumberet, insitata
flammarum magnitudine aspectuq. conterritus, re-
putare secum ipse cœpit, & quæ tandem ea forent
incendia, quæ apud inferos vorent animas impiorū.
Qua in cogitatione defixum subito peccatorum pa-
nitere cœpit, abiectoq. vlciscendi consilio, confessio-
nem omnium, quæ in vita perpetrarat, instituit. de-
ditq. ad suos etiam litteras, erat enim aduena, vt mi-
cum

micum studiose perquirerent, ab eoq. veniam suo nomine postularent. Abierant dies non ita multi, cum præbuit Deus facultatem aliqua ex parte remunerandi accepit à ciuibus beneficij: nā cum aliud in vrbe natum esset incendium, nostrorum partes esse putauit Provincialis Pater, vt eo quam primum duodecim de nostris mitteret. qui tradita sibi, vt solet à magistratibus ea cura, omni ope aggressi sunt cobibere vagantes ignes: vicitq. constans caritas flammarum iras. Ceteræ autem viæ, quibus ad officium Deus homines reuocauit, tritæ atque usitatæ fuerunt. ingens enim hominum multitudo sacramentorum præsidijs ad bonam frugem euasit: quicquid enim vel de coercendis libidinibus, vel de mitigandis iris, recipiendisq. inimicis in gratiam, vel de suo cuique restituendo dici solet; id uniuersum, ne res tenues atque usitatissimas consecutemur, de hoc Collegio confirmare possumus. Virgo nobilis cum è graui morbo amisisset aspectum, cæcitatem suam maxime deplorabat, quod sibi erecta eßet facultas prodeundi ad ædem nostram. Cumq. Medicorum artes nihil procederent, cælestem sibi Medicum implorandum putauit. Dat se se continenter in preces, & vt sibi propitium Deum reddat, multos Dei famulos obtestatur. Tulit suæ fiduciae fructum: reddidit ei Deus tantum lucis, quantum satis eſſet ad petendum templum; vt & bona mentis optata perficeret, & tamen non omnem patientia facultatem adimeret. Sed vt huic corporis, ita alteri feminæ metis oculos Deus reddidit. Mahometanam

tanam seruam cum traducere ad Christum domini
pellent, in eoq. diu multumq. frustra sudaissent; pla-
cuit Deo per Sacerdotem nostrum mulieres aures
ut veritatem acciperent, aperire. Itaque ab eo est
& Christianis imbuta præceptis, & aqua salinis
excepta.

Curat hoc Collegium sodalites tres: & ex vna
quaque fert fructus. Prima sexaginta ferme Sodali-
bus continetur, quorum de laudibus ac virtutibus,
ad ea quæ scripta sunt alias, nihil his litteris adiun-
gemus. Altera quinquaginta natu minoribus con-
stat, ex eaq. Societati dedere se quatuor. Postre-
ma biennio ante instituta, tenuioris fortuna homines
& conditionis amplectitur, quorum est numerus
ad ducentos; maior quoque futurus, si per adiun-
ceret augustias. Nullis hic cætus legibus aut insitu-
tis astringitur: est tantum inter sodales qui cmet
ea ab unoquoque fieri, quæ præscriperit Pater. Stu-
dent proximorum saluti quam qui maxime complu-
res, qui multisiam annis pœnitentiae bono caruerat,
ad confessionem eliciunt. egentibus suo & alieno ca-
gèto, quod ipsi collegerint, opitulantur. tutantur mu-
tierum pudicitia, & à periculis vindicant. quæ vero
egressæ verecundie fines se se omnibus periu-
runt, eas passim ære collecto, aut intra Cœnobij clau-
stra, aut intra sancti coniugij limites cohibent. Par-
in eos caritas qui morantur in carcere, præsertim
aduenas, qui ab omnibus plerunque deserti, exiguo
ære alieno in vinculis atatem agunt. Ex his illi per-
soluto creditoribus debito multos eximunt. Nuper
autem

autem cum graues ac perniciosos morbos a statis fer
uer in eas tenebras inueniisset, contenderunt Soda-
les à Praefide, ut liceret sibi egros ad Nosocomium
publicum ex ijs angustijs ac pedore transferre. quod
quia impetrare non potuerunt, instituerunt, ad carce-
rem & Medicos ducere, & pharmaca ministrare
in primisq. dant operam, ut ante corporum curatio-
nem, curentur animi sacramentis. Festis domini-
cissq. diebus in mendicorum cibos, & eorum quos
carcer tenet, stipem corrogant: & ut corum famem
quotidianis cibis, ita sitim, aquarum copia astiuos
per ardores, tum cum maxime arent omnia, depel-
lunt. tanto est enim publicis in custodijs aquarum
penuria, ut quadringentorum hominum siti succur-
rendum interdum sit. Denique his pietatis muneri-
bus consequuti sodales sunt, ut veri patroni ac de-
fensores pauperum numerentur; suoq. exemplo
ad hæc ipsa pietatis studia, cœtum aliun è viris
nobilibus excitarint, qui ob eam causam ad ex-
struendum nouum quoddam valetudinarium ani-
mum adiecerunt.

SYRACVSANVM ET ALIA.

S Y R A C V S I S tres qui deserto Christo ad ne-
faria se Mahometi sacra conuerterant, nostro-
rum opera cum Christo ipso redierunt in gratiam:
quorum duos in eius mox religione commodū mors
excepit. quo exemplo Mahometanus alius, et Turca
permoti, ipsi quoque Christi legem amplexi sunt.

Miseris

Miseris præterea curata stips est, & eorum corporibus inuenta subsidia, quo: um seruandis animis studebatur. Nec sine magna Ciuitatis commendatione hic quoq. ignis, qui proximas ædes inuaserat, est restinctus. Sed retulit nobis gratiam Deus, & misericordiam misericordia compensauit. multa enim in ædificium, multa in ten plum data sunt magni pretij, ut iam planissimum sit, vinci Deum liberalitate non posse.

CATANÆ vt de multis pauca tangamus, graues odiorum sublatæ sunt causa; & cum offensiones plurimæ voluntaria obliuione delete, tū apertissimæ represso sūt cædes. Matrona nobilis cum filium haberet vnicum, isque sibi ferro fuisse creptus, nullam poterat non modo ad animum, sed ne ad aures quidem mentionem pacis admittere. rerum cum adhibiti nostri eßent, Deo duce, se fregit, omnemq. ex animo deleuit iniuriam, et quamquam postea ad eam persequendam instigaretur à suis, præterea quod suis ipsi conditionibus inimici non steterant; tamen nostrorum iam antea monitis confirmata parere noluit, quod diceret in pedirise religione promissi, quo se Patribus obligasset. Hanc in suorum virorum nece imitatæ sunt aliae, quarum una ad dandam veniam nullis precibus fleti portarunt. Mulieres autem quæ ex libidinibus luxurijs viuebant, concionum præsidio se fornarunt ad vertundiam, prouisumq. à nostris est, ne alienum virginum decus in discrimen veniret. Quædā à nostris edocta maluit sibi velli capillum, lacerari vestem,

& alia multa acerba subire, quam ut à procaci adolescente, qui se in conclave concluserat, pudicitiam suam fineret expugnari. Iam audiendis pænitentibus, quoniam nullæ in hac Ciuitate sunt curiæ, dies et noctes opera datur. Per viros et pagos diuinis verbi semen perutiliter spargitur. Sed præcipue diuera in oppida missi sunt duo, quorum in altero præter quotidianas conciones, adiecta est tum Christiana legis, tum earum quæstionum, quæ de officijs sunt, explicatio; Et grauis quædam fracta dissensio, quamquam huius generis compositiones plures ubique sunt, quam ut semper commemorandæ videantur. Altero vero in oppido cum ea esset multorum egestas & verecundia, ut eos suis in tectis faneis ultima iam perimeret, summa consensione Pater instituit, ut dominico quoq. die stipem certi homines, quam postea egentissimo cuiq. tribuerent, per oppidum corrogarent. Hæc autem procuratio penes duos est viros, qui relatis in scriptum tenuissimi cuiusque nominibus, norint quibus & quatenus opitulandum cuique sit. Confessionis autem Eucharistiæq. usus nullus erat nisi anniuersarius: sed priusquam annua lex sacra nentorum recurreret, placuit Patri ad ea rite suscipienda pro concione populum cohortari, qui cum frequentissimus subito cōcurrisset, nec præberi aures tam multis pænitentiis possent; legendum fuit ad communicationem Christi corporis biduum, maxima omnium admiratione atque exemplo.

BIVONÆ cautum est, ne probrum castis feminis

seminis inferretur, reductiq. complures ad frugem,
qui se impudicarum congressibus inquinaran : sed
non ferunt castæ aures, ut singulorum flagitia com-
memorentur.

In Collegio MONTIS REGALIS illud admi-
ratione dignū accidit. Quidā cum rīgesimo ab hīc
anno ad Lauretanam adēm votiuā peregrinationē
suscepisset, ex eoq. tēplo ignarus anathematis Pon-
tificij , partem lateris abstulisset ; ex eo die capi
quotannis, cum illud ipsum sacrilegij tempus recur-
reret, ægrotare; & mēstruo bimestriue spatio ita la-
guere, ut nec genus morbi nosset nec curandi rati-
onem. In hoc anniuersario languore accersit nuper
vnum de nostris , & vt fit, in sermone cum men-
tio surrepti lateris incūisset, eiq. magna obiecta
eſet à Patre religio, sensit subito causam morbi
maculasq. animi tota vita contractas accurata con-
fessione deleuit. dein reddidit, quod abstulerat,
& valetudo subsequita mox est: ut reuocare in du-
bium non posset, ab ea morbum immisum eſe, qua
sacrilegij pñnas repeteret, ne maiores aliquando
persolueret.

CALATAIERONAE cum intestinis certaret
odijs nobilitas vniuersa, & tam recenti quā rever-
offensionū memoria, eo progressa res effet, vt defe-
rata iam cōcordia dirastragis spectaculū prabuita
videtur; dedit Deus eam vim concionatoris nostri
sermonibus, ut paucorum mensum interuallo tem-
pestate sedata, publicum Ciuitati otium tranquilli-
tasq. redierit. Tranquillis Dei benignitate rebus,

complu-

complures è nobilitate in Sodalitium Dei matri dicatum aggregare se voluerunt : nec sine constan-
tiæ laude vitam in eo cum virtute degunt . Mul-
ti etiam quò facilius omnes sibi peccandi occasio-
nes amputent, in cœnobiorum custodias sua voluntate
se abdunt . Virgines vero triginta, ne quis sibi
virginitatis florem aliquando præriperet , Deo Op-
timo Maximo publico ritu se deuouerunt . Atque
hac nostrorum officia quam Ciuitas amet , eius in-
dicat liberalitas: quæ, vt instituta Collegij ædifica-
tio ad exitum perducatur , in sexennium certos
quotannis reditus assignauit , vnde septem millium
sexcentorum , & quinquaginta aureorum summa
conficitur.

COLLEGIVM DREPANITANVM.

DREPANI cum in Arce publicus esset a-
leæ ludus , concurrebat eò propter ludendi
licentiam magna vis ciuium: quanta cum iniuria di-
uni nominis , atque animarum iactura , facile est
existimare . Nostrri cum diuini honoris studio, tum
humanae salutis incensi , ab Arcis Præfetto con-
tendunt , vt clausa aleatoribus domo prauam il-
lam consuetudinem tolleret : quod cum ei esset
nostrorum contentionibus persuasum , non modo
aleam funditus sustulit , sed etiam iussit pecunie
summam quandam nefarijs lusionibus partam
pauperibus erogari. quod & cives & milites admi-
rati, Societatis nomen magnopere commendarunt.
Cæno-

Cœnobium etiam mulierū satis amplum plurimaq.
nobilitate refertum, cum nimium licenter ac dissolu-
te uiueret, disciplina omni iam lapsa; nostrorum ope-
ra arctioribus se legibus & institutis astrinxit, pro-
vt et cœnobij ratio postulabat, et Tridentini decreta
Concilij. Per quadragesimam exiit concionis ca-
sa longinquam in urbem Sacerdos unus cum comi-
te, ibique suis vterq. muneribus magno fuit animis
adumento. dum ille concionibus, hic priuatis sermo-
nibus, homines ad salutem uocabant, nec minus uita
quam oratione docebant. Tradebat comes cleri-
cis commentandi rationem pījs de rebus, orandi
diuini numinis non tam agitatione lingue, quam
mentis. quotidieq. uesternis ferme temporibus
propositis quibusdam ad commentandum locis,
una cum ipsis orabat. Erat in hoc oppido paterfa-
milia, cuius in ædibus uariæ dicebantur aliquot iam
menses ex occulto uoces existere. familiaris is erat
Dæmon, qui uarijs modis hominibus conabatur il-
ludcre. Iaciebat saxa prægrandia, nullius tamen ca-
pitis detimento: uasa quoque domestica alte iacu-
lās non frangebat. cumque in his teatris fidibus cane-
ret adolescens, Dæmon cunctis audientibus, laſiuis
cantoris prosequebatur testudinis sonum, aperteq.
Dæmonem se esse iactabat. cumque ædium dominus
una cum coniuge quoddam in oppidum ad sua nego-
tia discederet, comitem se se Dæmon adiunxit: cum
autem ille madefactus aqua pluia rediret, nequam
spiritus anteuerit, sublatisq. de via clamoribus,
præmonere domesticos cœpit, ignem ut extriuerent,

berum iam esse in ianuis totum imbribus madefactum . Verum cum ita se illudi ædium dominus intelligeret, minitatus est Dæmoni, adducturum se Patrem de Societate , qui è suis eum sedibus exturbaret: ille vero ne id faceret, clamitare, minitariq. ini-
miciias & odium, & quamdiu in ijsdem Pater
ædibus versaretur, fore, vt se se abderet & occu-
leret. Venit tamen herus ad Patrem, & rem illi
narrat ex ordine, domum etiam inuitat, & vt ijs
se molestijs liberet, obtestatur. Pater ne imperita
multitudo elata cupiditate videndi, id quod fore
videbatur, accurreret; ad eum sibi profiscendum
esse non censuit: tantum monuit, vt & ipse &
eius familia ablutis generali confessione peccatis cæ-
lesti pane se confirmarent: cauerentq. ne quis aut
ex domesticis, aut ex externis sermones cum hoste
misceret; neue ex eo, vt antea fecerant, occulta per-
quirerent; riderent potius qua ab eo dicerentur, &
vt orta ex mendacijs Patre plane contemnerent. illi
cum se facturos recepiſſent omnia, dedit eis Pa-
ter ex consecrata cera simulacrum Agni cælestis,
quod filiae ceruicibus, vt quæ omnium maxime à
Dæmone vexabantur, infareret. Hic terrere Dæmon
capit clamoribus filiam, minitariq. n̄ ceram illam
abijceret, fore vt ei obtorto collo animam eriperet.
Sed illi Patris monita & consilia sequuti, cum lo-
quenti responsa non redderent, se seq. contra mina-
cem hostem Sacramentorum telis armarent, facile
se ab eius insidijs molestijsq. tutati sunt.

Ad aedes NOVITIORVM quindecim hoc
F anno

anno tironibus aditus patuit, qui vna cum ceteris
per virtutis viam domando animo belle procedunt.
Ac dum valetudinaria de more frequentat, non mi-
nus sua pietati, quam agrotorum animis satisfaciunt.
Sexdecim confessus vulneribus erat æger, quem cu
multi partim solatij causa circumstarent, parim n
ad æquitatem animi venian. q. percussoribus danda
adhortarētur; ubi nullum eius iracundiae remedium
inueniunt, Societatis Novitium, qui tum forte in va
letudinario versabatur, accersunt. huic tantum ro
boris, tantumq. in dicendo virium attulit Dominus,
vt saucius ille confectusq. vulneribus exclamet;
Do libens veniam, obliuiscor iniuriam. simulq. id
renunciari percussoribus iussit: nec ita multo
post in ea loca discessit, ut sperare par est,
quæ ijs maxime patent, qui inimi
corum caritatem suis iniu
rijs antiquiorem ha
bent.



TRO